

GEORGII

AGRICOLAE MEDICI

BERMANNVS, SIVE

DE RE METALLICA.

171.

FRO BEN



Basilæ, in ædibus Frobenianis

Anno M. D. XXX.



ei plumbei coloris ex eo resplendent, etiā cum abunde argētum ex eo excoquitur: quod si eius cemodi nō adsint, minus. Restat ruffum, quod uel ipsum, quanto plus è prioribus argenti generibus in se continet, tanto argenti maior ex eo copia fit. Sed illud uidere nunc non possumus.

N A E. Videbimus suo tempore & loco, Plinij potissimū gratia, qui nō nisi è duobus his terrarum generibus, & Galena argentū excoqui posse nouit, aut certe memoria, si ex alijs fieri nouit, non tradidit.

B E R. Sentis idem quod ego. Sed anteq̃ ex hoc domicilio egrediamur, genus quoddam præterea uobis ostendam, quod metallorum in numero est, sed ueteribus, ut mihi uidetur, incognitum. Bisemutū nostrī appellant. N A E. Plura igitur quā hęc peruulgata & nota septē tua sententia metallorum genera erunt. B E R.

Plura arbitror, nam hoc quod modo Bisemutum nostros appellare dixi, neq̃ recte plumbum candidum, neq̃ nigrum dicere potes, sed ab utroque distat, & tertium quiddam est. Siquidem, ut cætera quibus ab his ipsīs differt taceam, plumbum candidum

didum eo candidius, nigrum obscurius, ut uideris, est. N A E. Videmus quidem ipsum Galenæ etiã colore simile. B E R. Ita apparet. A N. Quomodo uero Bise-
mutum, ita enim appellare tu uidebare, à Galena discerni potest. B E R. Facile, cū id ipsum manibus tractaueris, eas nigro-
re quodam, nisi planè solidum fuerit, infi-
cit. Solidum uero friabile ut Galena non est, sed scinditur. Nigrius autem aliquan-
to est argenti rudis genere, quod plumbi ferè colore esse diximus, atq; ita ab utro-
que seiungitur. Continet uero in se nō ra-
ro aliquid argenti. Quo etiam loco effo-
ditur, argentum plerunq; subesse signifi-
cat, & ob id metallici nostri rectum argē-
ti ipsum dicere cōsueuerunt. Torrere idē solent, atq; ex eius potiori parte metallū,
è uiliori cerulei quoddam genus non cō-
temnendum conficiunt. N A E. Possunt
ne ex hoc genere metalli, ut ex utroq; plū-
bo uasa confari? B E R. Possunt, nam ali-
qua plumbi portione adiecta, pocula ex
eo fiunt haudquaquã ingrata. A N. Equi-
dem nec apud Arabes, qui aliquot seculis
Chymicen Græcos imitati præ cæte-
ris